## 0.0.1 āneñjasuttam

- 1. tayo'me bhikkhave puggalā santo saṃvijjamānā lokasmim katame tayo:
- 2. idha bhikkhave ekacco puggalo sabbaso rūpasaññānaṃ samatikkamā paṭighasaññānaṃ atthaṅgamā nānāttasaññānaṃ amanasikārā ananto ākāso'ti ākāsānañcāyatanaṃ upasampajja viharati. so tadassādeti. tannikāmeti, tena ca vittiṃ āpajjati. tatraṭṭhito tadadhimutto tabbahulavihārī aparihīno kālaṃ kurumāno ākāsānañcāyatanūpagānaṃ devānaṃ sahavyataṃ upapajjati.
- 3. ākāsānañcāyatanūpagānaṃ bhikkhave devānaṃ vīsatikappasahassāni āyuppamāṇaṃ. tatra puthujjano yāvatāyukaṃ ṭhatvā yāvatakaṃ tesaṃ devānaṃ āyuppamāṇaṃ, taṃ sabbaṃ khepetvā nirayampi gacchati. tiracchānayonimpi gacchati, pettivisayampi gacchati. bhagavato pana sāvako tattha yāvatāyukaṃ ṭhatvā yāvatakaṃ tesaṃ devānaṃ āyuppamāṇaṃ, taṃ sabbaṃ khepetvā tasmiṃyeva bhave parinibbāyati.
- **4.** ayam kho bhikkhave viseso, ayam adhippāyo, idam nānākaranam sutavato ariyasāvakassa assutavatā puthujjanena yadidam gatiyā upapattiyā sati.

bit page 478

- 5. puna ca param bhikkhave idhekacco puggalo sabbaso ākāsānañcāyatanam samatikkamma anantam viññāṇanti viññāṇañcāyatanam upasampajja viharati. so tadassādeti. tantikāmeti. tena ca vittim āpajjati. tatraṭṭhito tadaṭhimutto tabbahulavihārī aparihīno kālam kurumāno viññāṇañcāyatanūpagānam devānam sahavyatam upapajjati.
- 6. viññāṇañcāyatanūpagānaṃ bhikkhave devānaṃ cattārīsaṃ kappasahassāni āyuppamāṇaṃ. tattha puthujjano yāvatāyukaṃ ṭhatvā yāvatakaṃ tesaṃ devānaṃ āyuppamāṇaṃ, taṃ sabbaṃ khepetvā nirayampi gacchati, tiracchānayonimpi gacchati, pettivisayampi gacchati. bhagavato pana sāvako tattha yāvatāyukaṃ ṭhatvā yāvatakaṃ tesaṃ devānaṃ āyuppamāṇaṃ, taṃ sabbaṃ khepetvā tasmiṭṭeva bhave parinibbāyati.
- 7. ayam kho bhikkhave viseso, ayam adhippāyo, idam nānākaranam sutavato ariyasāvakassa assutavatā puthujjanena yadidam gatiyā upapattiyā sati.
- 8. puna ca param bhikkhave idhekacco puggalo sabbaso viññāṇañcāyatanam samatikkamma natthi kiñcīti ākiñcaññāyatanam upasampajja viharati. so tadassādeti, tannikāmeti, tena ca vittim āpajjati. tatraţthito tadadhimutto tabbahulavihārī aparihīno kālam kurumāno ākiñcaññāyatanūpagānam devānam sahavyatam upapajjati.

- 9. ākiñcaññāyatanūpagānaṃ bhikkhave devānaṃ saṭṭhiṃ kappasahassāni āyuppamāṇaṃ. tattha puthujjano yāvatāyukaṃ ṭhatvā yāvatakaṃ tesaṃ devānaṃ āyuppamāṇaṃ, taṃ sabbaṃ khepetvā nirayampi gacchati, niracchānayonimpi gacchati, pettivisayampi gacchati. bhagavato pana sāvako tattha yāvatāyukaṃ ṭhatvā yāvatakaṃ tesaṃ devānaṃ āyuppamāṇaṃ taṃ sabbaṃ khepetvā tasmiṭṭeva bhave parinibbāyati.
- **10.** ayam kho bhikkhave viseso, ayam adhippāyo, idam nānākaranam sutavato ariyasāvakassa assutavatā puthujjanena yadidam gatiyā upapattiyā sati. ime kho bhikkhave tayo puggalā santo samvijjamānā lokasminti.

bit page 480